

SAGARDOAREN INGURUKO SEKRETU UGARI ORIAN ETA URUMEAN

'Sagardo ibaiak, bizitza iturri' erakusketa sustatu du Sagardoaren Lurraldeak, Astigarragako, Hernaniko eta Usurbilgo udalekin eta Donostiako Aquariumarekin elkarlanean. 2017an Donostiako Aquariumean bertan ikusi ahal izango da.

Ibiltaria da Sagardo ibaiak, bizitza iturri erakusketa. 2016an Hernanin, Usurbilen eta Astigarragan zabalik egon da, eta 2017an Donostiako Aquariumean ikusteko aukera izango da (aquariumss.com). Gainera, haren oihartzuna Europara ere hedatu da, European Heritage Days erakundeak 2016ko irailean antolatu zituen Ondarearen Europar Jardunaldietako programak kontuan izan baitzuen. Migrazioak eta ondare kulturala aztertzeke egin zituzten jardunaldi horiek.

Oria eta Urumea ibaiek, Gipuzkoako bi ibairik garrantzitsuenek, sagardoaren inguruko sekretu ugari gordetzen dituztela erakutsi dute Espainiako, Gipuzkoako eta hainbat udalako artxi-boetan egindako ikerketek, eta berebiziko garrantzia izan zutela bi ibar horietako bizilagunen arteko komunikazioaren eta harreman ekonomikoen antolaketan eta Gipuzkoako garapen historikoan. Sagardo

ibaiak, bizitza iturri erakusketa hori guztia ezagutarazten duten agiriak, irudiak eta objektuak ikus daitezke.

Istorio ugari

Antzina Gipuzkoak izan zituen bi bizitza iturri nagusi eta inguruko bizilagunentzako aberastasunaren iturriak izan ziren Oria eta Urumea ibaiak. Garai batean, gainera, aurrendariak izan ziren, eta puntako teknologia erabili zuten ibai horietako zereginetan. Portu instalazioak eta zerbitzuak izan zituzten, eta beren ur bazterretan salerosketak gune ugari izan ziren.

Bi ibaiak istorio ugariaren lekuko izan ziren: XVIII. mendeko langileen greba, Ergobiako bidesarian ordaindu behar zen tasa, itsasoarekin eta portuekin loturiko zenbait ogibidetan soldataren zati bat ordaintzeko sagardoa erabiltzen zela, Astigarragako alkate harakinaren eta Murgiako jaunaren haserre, Ignacio de Soroa ontzigile usurbildar

Hainbat agiri eta objektu ikus daitezke erakusketan.
SAGARDOAREN LURRALDEA



Ibaietan erabili zen txalupa bat. JON URBE / ARGAZKI PRESS



Sagarrak eta saskiak, erakusketan. JON URBE / ARGAZKI PRESS

ospetsuaren amodio kontuak... Ezezagunak eta aldi berean bitxiak eta interesgarriak dira iraganeko kontu horiek, eta Urumea eta Oria ibaien ahal-

Sagardoaren inguruko sekretu ugari gordetzen dituzte Oria eta Urumea ibaiek

www.sagardoarenlurraldea.com helbidean lor daiteke Sagardo ibaiak, bizitza iturri erakusketari buruzko informazio gehiago.

Erakusketa Astigarragako Sagardotxean zabalik zegoela, arraunlari talde batek txango bat egin zuen Urumea ibaian *stand up paddle* egiten, Loiolatik Ergobiko zubira, irailaren 17an. Petritegi eta Lizeaga sagardotegien laguntzaz egin zuten ibilbide hori, eta ibaier-

tzean Lourdes Odriozola Sagardotxeako historialariak ibaiaren inguruko sekretuak kontatu zizkien txangoa ikustera bildu ziren herritarrei.

Amaitzeko, Ergobian ekitaldi alaia egin zen, musikarekin girotuta, eta sagardorik ez zen falta izan. Andoni Arza-lusek hainbat bitxikeria eta bizipen kontatu zituen XX. mende hasieran Ergobian zeuden sagardotegiak ezagutzeko. Besteak beste: Ramon Isasa (Joa-kitene), Martin Berrondo (Pagua), Joxe Arrieta (Casa Otaño), Crispin Lete (Etxehandi), Antonino Arzallus (Estanco), Jeronimo Bereziartua (Iraberri baserria), Manuel Irigoien (Gaztañaga Berri) eta Eduardo Alberro (Eprepa) sagardogileen eta haien sagardotegien inguruan. Andoni Arzallus Astigarragako Ergobia auzoan jaioa da, etxean denda eta taberna zituzten, eta baita sagardotegia ere.

Olagi Sagardotegia
Nekazalturismoa

Larunbatetan,
autobusa
Lazkaoetik (20:30ean abiatzen da),
Besaindik eta Ordizitik. 5 euro. Urte osoan zabalik

olagi.altzaga@gmail.com • 943-88 77 26 • ALTZAGA

AMEZTI
SAGARDOEGIA

Sagardotegiko
menua
28€

Hainbat sagardotegietako
sagardoak dastatzeko aukera

Tel.: 943-83 42 04
ameztigain@live.com
Gran Camping
ZARAUZ

IRITSI DA TXOTX DENBORALDIA • Eguneko menua
• Karta
• Sagardotegiko menua

AKELENEA
Erretegia - XIX. mendeko Sagardotegian

Astebukaeretan
ere zabalik

Otalume bidea • Tel.: 943-33 33 33 • 20115 ASTIGARRAGA (Gipuzkoa)

OTSYA-ENEA
TOLARE SAGARDOEGIA

Sagardoa
botilan salgai

Urtarrilaren 13an irekiko ditugu ateak
-Sidras Otsua-Enea S.L.-

Osiñaga auzoa • Tel: 943 55 68 94 • HERNANI